

# KATCHINIKE SEANIKO NIGOPATANI

JANGGI TANGANIKO DINGTANGATNA SASTROKO PORAIANI!

**MATBURUNGNA TUBAMANI**

Daniel 3:1-30

**GOLPO...**



**A**ro jensalo hajal sika moani bosturangko sikaton, salni teng-anichi sonani foot 90 ong-gipa bimang teng-chakengon, pindapenggipa ba-rako ra-gale, ching-beaniko parakaton, Nebukadnezzar raja mikrakataniko on-aha. Unikode, rajani ge-eta gita, pilak dilgiparangan jemangan Durani a-kaweona re-bachimongahachim olakkina ine a-ao tujoltokaha. Sakgittam chadambe Ibri manderang, jemangan dal-batgipa Rajani nokkolrang ong-achim, uamangna agre pilakan tubamtokaha.

Shadrak, Meshak, aro Abednego, uni songdogimin bimangko olakkina aro tubamna jechakaniko u-iataona kingking Nebukadnezzar gaora dake aro chu-ongnike rasong dakengachim. Sawa katta manijana pa-sokaha ine jagokman-pilaha, ia panterang uni ge-etaniko ma-sisretahakon ine Nebukadnezzar chanchichipaha. Indake ua tubamchina gita changsa cholko on-taiaha - indiba uamang jechakaha! Da-ode rajani mikkang ka-namgijaona pil-angaha. Ua an-tangni sipaiko ding-atrongana bate duna sni chankolko ding-atchina ge-etaha. Toko wa-alo rudapatahaon, ia sakgittam manderang buluchi namedake kaako man-aha. Ua ding-ataniara namen bilongbegipa ong-ahachim je

uamangko ching-enggipa wal-sareona galatna ra-anggipa sipairangko ua siataha.

Kamenggipa chankolko raja nimrakaton, uni ku-sik rang-gitik oako man-aha. Moenggipa ku-rang baksa ua sing-aha, “An-chinga mande sakgittamko kae wa-alni jatchio galatjachimma?” Daniel 3:24. Uandaken dakachim ine uni kupattigiparanga aganaha. Unikode raja aganaha, “Anga mande sakbri kaa gri wa-alni jatchio re-engako nikenga, aro uamang namgija ong-atako man-ja; aro brigipako isolrangni depante saksa gita nika.” Daniel 3:25.

Isol ia ka-donggipa chadambe manderangko ching-begipa chankolo jokataha maina uamang Uni bebena chadengaha. Bon-kamgipa salrango, Isolni manderangba apsan daggipa dake nianiko chagrongna nanggen.



# PORAIANI

*Satroni podko poraie bangbangrango gapatbo.*

## 1. An-chingni Daniel 3 ni golpoara maikai Parape-a baksa nangrimea?

**Parape-a 13:15** *Aro basiksak ua matburungni \_\_\_\_\_, uamang so-otako man-na gita.*

**U-IE RA-ANI:** Bon-kamgipa salrango, Isolni manderang changsatatai ong-ja ba ong-gijaniko u-igipa gisikoni bikpile olakkichina draaniko man-gen, uko manijaode so-otako man-gen. Uamang Isol niamko ba ong-jaode mandeni niamrango basena gita nanggen.

## 2. Parape-a 14 ni sa-gre sakgittamni nama kattarangara maia?

**Parape-a 14:7** *Isolna kenbo, aro Una rasongko on-bo; maina Uni \_\_\_\_\_ konta \_\_\_\_\_. Aro salgiko aro a-ako aro sagalko aro chirangni chimikrangko dakgipako olakkibo.*

**Parape-a 14:8** *Aro gipin, gnigipa sa-gre, ja-rike inaha, \_\_\_\_\_, ga-akaha, dal-gipa \_\_\_\_\_, pilak jatrangko an-tangni til-ekani ka-onangani draka bitchiko ring-atgipa.*

**Parape-a 14:9, 10** *Saoba ua \_\_\_\_\_ aro uni bimangko \_\_\_\_\_, aro an-tangni mikkingo, ba an-tangni jako uni chinko ra-ode, uaba uni ka-onangani ringchakanio bringija tarisogimin Isolni ka-onangani draka bitchiko ringgen.*

**U-IE RA-ANI:** Sastro an-chingna Parape-a 14:6-14 o indake agana je bon-kamgipa salrango, ia namen gasugipa ka-dongatani aro mikrakatani minggittam nama kattarang Jisuni re-bapilenganina manderangko tarisamsona gita a-gimikona re-anggen. Ia nama kattarangoni mingsara matburungko olakkiani aro uni chinko ra-chakani gimin mikrataniko on-a. Ia lessono, an-ching matburungko ma-sie ra-gen. Lesson 20 o, an-ching chinni gimin ma-sie ra-skagen. Jringjrotni janggi an-tangan neng-nikanio ong-naba donga, uni gimin na-a skie ra-engon Isolni dilanina aro ma-siatanina bi-bo

## 3. Sastroni katchinike agananirango matburungara maiko miksonga?

**Daniel 7:17** *Ia dal-gipa \_\_\_\_\_ mangbria, ... \_\_\_\_\_ sakbri ong-a.*

**Daniel 7:23** *Ua brigipa matburunga a-gilsako ong-katgipa brigipa*  
\_\_\_\_\_.

**Daniel 8:21** *Aro ua merang gnanggipa do-bok bipara Greeceni \_\_\_\_\_  
ong-a.*

**U-IE RA-ANI:** Sastroni katchinike aganano, matburungara a-songko sason ka-gipako, songnokko, ba a-songko sason ka-gipani bilko miksonga. Isol matburungrangko a-songko sason ka-giparang baksa toa, da-alo an-chingni dakenga gita - do-reng (Americani United States), mapil (Russia), aro uandake. Sastroo, “matburungara” namgijagipa katta inede ong-ja. Matburungni ga-kragijagipa bewalrangkode ua janapja. Chin gnanggipa matburungko Parape-a 13:1-10, 15-18 o talatani ngang. Sing-ani 4 ona re-angna skang ka-sapae ia podrangko poraina somoioko ra-chengpabo.

#### 4. Matburungko Sastroara maidake mesoka?

**Parape-a 13:1** *Aro ua sagaloni an-chengo chadengaha. Aro anga sagaloni ong-katbaenggipa \_\_\_\_\_ nikaha, aro uo grong gongchikkung aro sko dotsni, aro uni grongrango kadesil ge-chikkung, aro uni skorango kal-stapani bimungrang gnangchim.*

**U-IE RA-ANI:** Parape-a 13:1-10, 15-18 o, matburungko ma-sina man-na gita Isol an-chingna ming10 u-iatanirangko daka. Ua an-chingna cholon bewalrangko bakrobee sulsul see on-aha jedakode an-ching kakket ong-e jajrengchakani gri matburungko ma-sina gita man-gen.

Point 1 - Ua sagaloni ong-katbaa (Pod 1)

Point 2 - Ua drakononiko an-tangni bilko, singhasonko, aro dal-gipa nokgipa ong-aniko man-a (Pod 2) Point 3 - A-gimikni kosako ua bilko man-gipa ong-a (Pod 3, 7)

Point 4 - Kal-stapanina dos donggipa (Pod 1, 5, 6)

Point 5 - Katchinikani ja 42 sason ka-na una bilko on-a (Pod 5)

Point 6 - Signigipa matko man-gipa nampilaniko man-a (Pod 3)

Point 7 - Ua olakkianiko man-gipa toromni bil ong-a (Pod 4, 8)

Point 8 - Isolni rongtalgipa manderangko a-rik sanala (Pod 7)

Point 9 - Uo aiao inmangipa 666 nombor donga (Pod 18)

Point 10 - Bil gnanggipa mande saksa uko dila (Pod 18)

Ia pilak ming 10 u-iatani chinrang baksa mingsa bil mangmangsan meliaia - uan pope. Indiba namedake ma-sina man-na gita, Sing-ani 5 baksa a-bachenge, an-ching simsakbee mingsa mingsa dake uarangko chanchianggen.

#### 5. Ia matburung sagaloni ong-katbaa. Sagal, ba chiara maiko miksonga?

**Parape-a 17:15** *Nang-ni niggimin \_\_\_\_\_, ... uan \_\_\_\_\_ aro mande jinmarang aro jatrang aro ku-sikrang ong-a.*

# LESSON 19

**U-IE RA-ANI:** Katchinike aganania, chiara bang-begipa mande jinmarangko, ba mande jelbegipa biaprangko miksonga. Ua matburung un somoio mande bang-gipa jatrangni jatchioni ong-katbagen ine katchinike aganania agansoaniko daka. Popeara saliram Europeoni ong-katbaa, uni gimin ua Point 1 baksa melia. Indiba minggipin mingsku u-iatani poitrangni giminara?

## 6. Uni bil aro gadangko matburungna sawa on-a?

**Parape-a 13:2** *Aro ua \_\_\_\_\_ an-tangni \_\_\_\_\_ aro an-tangni \_\_\_\_\_, aro dal-gipa nokgipa ong-aniko una on-aha.*

**U-IE RA-ANI:** Itihaso serikgiminrang ia pilakkon man-gope talata: “Rome Mondoli ... A-gilsakni-Rome-Songnokni biapona an-tangan an-tangko jitpakaha, jeon an-tangko ‘Raja’ aro ‘Pontifex Maximus’ (Caesarni chu-soksrangani) ine minggipa, Popeko dondikgija ra-gatangkuaha.”<sup>1</sup> Uni gimin Point 2 -ba popena melia. Ua matburang - jean an-chingni gelna nangenggipa chin gnanngipachim - uni bil, singhason, aro skotong songjinmako drakononiko man-aha. Parape-a 12:3-5 ni gitade, Jisu bi-sako Uni atchiani somoio so-otna jotton ka-gipa bilan drakon ong-a. Rome Songnokni songsarek raja, Herodko Bethlehemo donggipa pilak me-a bi-sarangko so-otchina didiatgipara, uan Satan ong-achim (Mati 2:13, 16). Songsarek Romeara an-tangni bil aro skotong songjinmako sana on-aha? Itihasonamen rongtala je songsarek Rome, uni bil aro skotong songjinmako Romeni mondiona ong-atskaaha.

<sup>1</sup> Adolph Harnack, *What Is Christianity?* (New York: Putnam, second edition, revised, 1901), p. 270.

## 7. Ia matburungni bilara baitana apale gipanggipa ong-gen?

**Parape-a 13:3** *Aro \_\_\_\_\_ ua \_\_\_\_\_ ja-man ja-man aiao inaha.*

**U-IE RA-ANI:** Darangba iani gimin sing-doaniko dakna gita man-jawa je Bijatchigipa Chasongo, a-gilsak gimikni kosako bilko man-gipade popean ong-achim. Bebeko agangenchimode, “katholik” ingipa kattani ortoara “a-gimik” ine ong-a. Point 3 ba popena baksa melia ine an-ching nikna man-a.

## 8. Matburungni ku-sikoni maia ong-katbaa?

**Parape-a 13:6** *Aro ua Isolko \_\_\_\_\_, Uni bimungko ... \_\_\_\_\_ ku-siktangko oaha.*

**U-IE RA-ANI:** An-tangko pap watna man-a ine a-kange ra-gipakon (Luke 5:21) aro an-tangko Isol ine a-kange ra-gipakon (Johan 10:33) kal-stapa ine Sastro agana. Pope ka-dongen paprangko watna amani bilko a-kange ra-a. Katholik catechismoniko segatgimin kattarangko nie nibo: “Kamalara paprangko watbebena amama, ma uamang kema ka-ako man-aha inesan uara paraktimaiama? Kristoni una on-gimin chu-soksranggipa bilchi Kamal paprangko bebegipa aro kakketgipa ong-e watbebea.”<sup>1</sup> Popeara Isol baksa apsangipa gadang ong-a ineba pope a-kanga. Pope Leo XIII indake agana, “Chinga [poperang] ia a-gilsakni kosako Bilakbegipa Isolni gadangko man-a.”<sup>2</sup> Minggipin popeni gimin aiao inmanpilgipa agangimin kattaara ian: “A-gilsako na-an saggipin Isol ong-a.”<sup>3</sup> Uni gimin Point 4 ba popena meligipa ong-a.

<sup>1</sup> Joseph Deharbe, S.J., *A Complete Catechism of the Catholic Religion* (New York: Schwartz, Kirwin & Fauss, 1924), p. 279.

<sup>2</sup> Christopher Marcellus, *Oration in the Fifth Lateran Council*, Session IV (1512), manuscript SC, Vol. 32, col. 761 (Latin).

<sup>3</sup> Pope Leo XIII, Encyclical Letter “The Reunion of Christendom,” dated June 20, 1894, trans. in *The Great Encyclical letters of Pope Leo XIII* (New York: Benziger, 1903), p. 304.

## 9. Baitana ru-ute ia skanggipa matburungara sason ka-genchim?

**Parape-a 13:5** Aro \_\_\_\_\_ jana ka-na una bilko on-aha.

**U-IE RA-ANI:** Gisik ra-bo je katchinike seanio, salsara bilsisa baksa apsana (Ezekiel 4:6). Katchinike seanio ia sal somoiko changni changna bilsil gittam adha, ja 42, ba 1,260 salrang ine sea. Sal 30 donggipa Jihudirangni calendaro pangchake, ia minggittam sal somoirangko hisap ka-e 1,260 katchinikani salrangko, ba 1,260 chong-motgipa bilsirangko apsane man-aha. Jensalo Emperor Justinianni sason ka-ani popeni chubatgipa baksa bobil ong-jahaon, A.D. 538 o popeni bil a-gimiko bilakgipa ong-aha. Jensalo pope Napoleonni general, Alexander Berthierchi rim-gitangako man-ahaon, 1798 bilsio popeni kamrangko sia gita nikmanpilani sokbaaha. Na-a nikna gita man-gen je A.D. 538 oni 1798 onara 1,260 bilsirang tiktak ong-a. Point 5 ba popena meligipa ong-a.

## 10. Ja 42ni ja-manoara matburungna mai ong-skaaha?

**Parape-a 13:3** Aro uni skorangoni dotsa sipile so-otgimin gitachim; aro siani \_\_\_\_\_ . Aro a-gilsak gimik ua matburungni ja-man ja-man aiao inaha.

# LESSON 19

**U·IE RA·ANI:** Janapagimin gita, 1798 bilsio jensalo General Berthier, popeko Franceona rim-gittangangaon, jeon ua siahachim, popeni kamrangko siani matako man-aha gita nikmanpilahachim.<sup>1</sup> Ia ong-a obostaan popeni kamrangni bon-ani chin ong-aha ine Europni adha bakde chanchimanpilahachim, indiba Isol indake aganahachim je ua matani namatpilako man-gen, aro a-gimikan uni dilaniko ja-rikujaona kingking popeni bil aro sason ka-ani nampilatako man-gen. Malachi Martin, saksa Vaticanni gimin dingtangmancha ma-sigipa aro senggipa, uni *The Keys of This Blood* ingipa ki-tapo iarangko parakaniko daka: “Popean pilakna bate namen ma-siako man-gipa 20<sup>th</sup> centuryni mande ong-a (jak 123), ua dam 91 a-songrangni dilgiparang baksa paltangni nangrimaniko dakaha (jak 490), aro da-o ua a-gimiko sason ka-na tariaha” (jak 143).<sup>2</sup> Da-alo popean, bang-aon, a-gilsako bilko man-batsrange sason ka-gipa ong-a ine agital mandemangba ma-siaigen. Aro popeni songreaniko daka changantian, uni bil aro sason ka-ani bilakbatroroa. A-gilsakni nangrimanina, tom-tomanina, aro kragipa ong-anina uosan mangmangsan ka-dongani gitachacha a-gilsak gimikni millionni million popechiko niatokaha - Isolni parape-soa gita tiktakan ong-a.

Rongtalbeen pope Point 6 na meligipa ong-a.

<sup>1</sup> Joseph Rickaby, “The Modern Papacy,” *Lectures on the History of Religion*, (London: Catholic Truth Society, 1910), Vol. 3, Lecture 24, p. 1.

<sup>2</sup> Malachi Martin, *The Keys of This Blood* (New York: Simon & Schuster, 1990).

## 11. Matburungara toromni bil ong-ama?

**Parape-a 13:15** *Aro basiksak ua matburungni bimangko \_\_\_\_\_, uamang so-otako man-na gita.*

**U·IE RA·ANI:** Ia dol toromni bidingo nangchapegen ine namedaken ma-sina man-a. Parape-a 13 o “olakkia” ba “olakkiaha” ingipa kattako ia bilni bidingo changbonga jakkalaha. Darangba jajaani dongchongmotja je pope Point 7 na meligipa ong-a.

## 12. Rongtalgiparango ia matburungara maiko daka?

**Parape-a 13:7** *Aro rongtalgiparang baksa \_\_\_\_\_, aro uamangko \_\_\_\_\_ una on-aha.*

**U·IE RA·ANI:** Ian ramramari u-igipa ong-a je kakketgipa Kristianrangko pope a-rik sanala aro nisiata, mongsongbate Bijatchigipa Chasongo, jeon uni sason ka-ani bilakbatsranggipa ong-achim. Ia dal-begipa dukni somoio sak 50 million manderangna baten bebera-atangna sitokaha ine bang-a itihasko segiparangan agana. “Bebera:ani niam” ine agane ua mondoli Isolni namnikgnikon dakenga ine tol-mikaha. Ia so-otangrangna mondoli kema ka-ako man-a ine pope mol-mole aganaha, indiba chong-motde uara a-rik sanalasa aro so-otasachim. Point 8 naba pope melia.

## 13. Matburungko parape-gipa aiao inmangipa nomborara maia?

**Parape-a 13:18** *Uni nombor \_\_\_\_\_.*

**U-IE RA-ANI:** Parape-a 13:18 o, matburungni bimungni nomborko chanchina Isol agana maina ua nombor mandeni ong-a. Popeni kam ka-ramni gimin an-ching chanchiaton, an-chingni ramramari chanchiatgipa mandeara popean ong-a. Uni bimungara maia? Popeni bimungrangoni mingsara “Vicar of the Son of God” ine ong-a, jean “Vicarious Filii Dei” ine Latin ku-siko ong-a (je ku-sikan ia mondolini jakkalgipa katta ong-a). Songbad seanirango, jensalo popeko “Vicar of Christ” ine janapon, uaragara uni ma-chong, ba bimungko pe-skagimin ong-a ine mesokna gita bang-a changon ua kattako aiao inmanani chinrang (!) baksa donchapronga. Parape-ani ki-tap indake aganenga je Roman oikorchi chanode uni bimung 666 ong-gen. Point 9 aro 10 popena meliama melija hai nina:

<b>V</b>	<b>5</b>	<b>F</b>	<b>0</b>	<b>D</b>	<b>500</b>	<b>CHANDIMGIMIN</b>
<b>I</b>	<b>1</b>	<b>I</b>	<b>1</b>	<b>E</b>	<b>0</b>	
<b>C</b>	<b>100</b>	<b>L</b>	<b>50</b>	<b>I</b>	<b>1</b>	<b>53</b>
<b>A</b>	<b>0</b>	<b>I</b>	<b>1</b>	<b>501</b>		<b>501</b>
<b>R</b>	<b>0</b>	<b>I</b>	<b>1</b>			<b>666</b>
<b>I</b>	<b>1</b>	<b>53</b>				
<b>U</b>	<b>5</b>					
<b>S</b>	<b>0</b>					
<b>112</b>						

Iano jajaani dongna gita nangjaha. Parape-a 13:1-8, 15-18 o mesokgipa pilak ming10 cholon bewalrangan popena meligipa ong-a ine an-chingna mesokaha. Aro ia bil dingtangmanchagipa chin donga jekon an-ching ra-chakna gita nangja.

Da-alo ka-sapae iako ma-sie ra-bo je bang-a kakketgipa, ka-sara Roman Katholik Kristianrangba donga jekon Isol An-tangni bi-sarang ine channa. Isolna ka-sagipa, namgipa aro ka-donggipa poperangba donga. Ia lesson Katholik ripengrangni kosako chadrapani ong-ja. Ian mondirangko Sastroni bebeoni chel-china dakmajogipa, diabolni kosako chadrapanisa ong-a. Indiomangba, ia dolo an-chingni ra-chakna nanggijagipa chin donga ine Isol An-tangan an-chingna aganaha. Protestantrang, Katholikrang, Jihudirang aro Kristian ong-gijagiparang pilakan ia chinara maiachim uko am-sandina gisiko nanggiparang ong-na nanga jedakode uamang uko ra-chakenganiko gelna gita man-gen. Satanni an-ching pilakko nisina miksonganiko Uni Kattao Uni parape-anina hai an-ching Isolko mitelna.

An-chingni minggipin lessono, an-ching matburungni “chin” ko rongtale ma-sie ra-gen. Na-a matburungni chinko ra-chakgenchimode, na-a gimagen. Chinko gelaniara namen dal-begipa jotton ka-ani ong-a ine bang-an nikna man-gen. Indiba Shadrak, Meshak, aro Abed-negoni kakket ong-aniko Isol an-chingna on-na man-gen, jemangan Isolko mandera-na gita sianiko chagrongna skachim.

## LESSON 19

# NANG·NI AGANCHAKANI

*Jeona Ua dila, na·a Jisuko ja·rikna skengengama, nang·ni ripengrangko na·a gimaatna nangaona sokgenchimomangba?*

**AGANCHAKANI:** \_\_\_\_\_